

殿下乃復優容之臣等未審 聖意正恐後月歲月浸久防備浸怠景舟之所以欺罔者愈深 殿下之所以受欺者愈大操縱大權悉歸其手無復忌憚而 殿下徒持空器終必至於不可救矣伏願 殿下快從公論辨之於早亟遣景舟兵部之任明治欺罔之罪傳曰今觀劉子至為驚愕人臣之罪就大於此然漢洪之不可為會寧胤文之不合於鏡城非獨景舟他大臣亦多言之今若推景舟則他大臣亦豈安心乎景舟元勲而以公議啓達不可謂欺罔而罪之也○令譯官金石崇解送走回遼東人劉率○已丑 御朝講大司諫柳世琛掌令尹希仁論洪景舟之罪而請遞職罷之不見○御晝講○御夕講○庚寅 御朝講執義朴光榮司諫尹耕以洪景舟挾私欺罔事反覆論啓不見○傳于憲府曰金胤文詣兵判家請囑犯奔競也而未聞以奔競為言近日奔競之禁不舉行耶憲府啓曰當考以啓○傳于政院曰金胤文照律時并用奔競律事其言于禁府○遣內官及注書于成均館點名儒生○東南間連夜有赤氣如電○辛卯 御朝講臺諫啓洪景舟事不見只命推○政院啓曰延昌府院君金勘病緊請遣醫賜藥傳曰可○御晝講○御夕講○御夜對講論語至學如不及猶恐失之侍講官柳希渚